

## **Projekat: Spomen obilježje Kuplensko-miholjsko,...**

### **Projektni zadatak/Idejna verzija**

#### **Osnovni cilj:**

Na osnovu sveukupnih sagledavanja (relevantne publicistike i korespodencija) u kontekstu vremena (druga decenija 21. stoljeća) i prostora (Općina Vojnić-Kuplensko) te u skladu sa standardima i procedurama projektovati primjerno prihvatljivo moderno trajno spomen obilježje kao težnju više desetina hiljada prognanika iz Zapadne Bosne augusta 1995. godine. Shodno Pismu namjere od 25.10.2017., odgovoru od 02.01.2018., te „korespodentnih publikacija“ i mikrolokacije (čestica 2811/1 KO Kuplensko) pripremiti Idejno rješenje sljedećeg sadržaja:

Nastanak i razvoj ideje

Opis mikrolokacije

Okvirni projektni zadatak

Nacrti, skice, sheme, tlocrt razmještaja

Orientacioni predmjeri/predračuni

Naredni zadaci

#### **Nastanak i razvoj ideje**

Drugi egzodus naroda Zapadne Bosne desio se 07.08.1995. na područje susjedne Republike Hrvatske, općine Vojnić, mjesnih mikrolokacija Kuplensko-miholjske doline sa obje strane regionalnog puta Vojnić-Velika Kladuša. Više desetina hiljada prognanika Zapadne Bosne na ovom područlju proveli su oko 300 dana. Ovaj vremenski period je ostavio trajne tragove-sjećanja kod nebrojenog broja prognanika i solidno je opisan u javnim publikacijama (medijima, izvještajima, knjigama, slikama,...). Dvije decenije kasnije, tj. 2017., po okončanju prognaničkih trauma reaktivirana je od prvih dana prisutna ideja trajnog obilježja boravka u Kuplensko-miholjskoj dolini. Potaknuti brojnim inicijalnim (pot)pitanjima putem raznovrsnih oblika komuniciranja (Internet, osobni kontakti, mediji,..) nekolicina prognanika (Bašagić, Beširević, Čelebić, Hirkić, Rizvić, Šabanagić) su tokom kolokvijalnih razgovora konkretizovali davnašnju ideju u formi „Pisma namjere“ koje je 25.10.2017. godine upisano u knjigu Protokola Općinskog vijeća Vojnić. Istovremeno je nastavljena usmena promocija sa fokusom da se narednim aktivnostima odredi primjerna forma (program promocije, Idejni projekat spomen obilježja, lobiranja,..). Obavljeno je više kolokvijalnih razgovora (ef. Durmić, Šaula, Ramo Čović, Mićo Martinović,...) na temu oblikovanja i formulisanja „projekta“. Konkretno zadatke dobili su Sead Purić (promocija) i Osman Čaušević (Idejni projekat).

Drugog januara 2018. godine iz Ureda načelnika Općine Vojnić, gospodina Nebojše Andrića na e-mail [ramoh45.07@hotmail.com](mailto:ramoh45.07@hotmail.com) primljen je ohrabrujući Odgovor na Pismo namjere. Istog dana isti Odgovor je e-mailom prosljeđen na desetak adresa sa napomenom „zaduženja“. Shodno logici hronologije prvo zaduženje ekspresno je obavio Ramiz Rizvić (snimke katastarske situacije) o čemu su također putem e-maila upoznati ostali.

Petog januara 2018. sam detaljno razgovarao sa Osmanom Čauševićem oko konkretizacije Idejnog projekta kao sine quo non dokumenta bez kojih Zenga ne može ništa konkretno poduzeti kod subjekata navedenih u Odgovoru na Pismo namjere od 02.01.2018.

## Opis mikrolokacije

Uvidom u geografske mape, katastarske skice, konkretnu mikrolokaciju (u vlasništvu Republike Hrvatske odnosno Općine Vojnić) možemo konstatirati da se ista nalazi na donjem dijelu čestice 243/2811/1 lokacije „Vile“ (ime iz geografske mape), odnosno Potok Burić (katastarska čestica). Na navedenim dokumentima nema ništa što nedvosmisleno asocira na postojeći izvor-vrelo vode pod nazivom „Vilin točak“. Mikrolokacija „Vilin točak“ (vidi sliku) je 20-tak metara od regionalne vrlo prometne ceste u čijoj neposrednoj blizini (cca 50-tak m) se nalazi privatno imanje (čestica 2811/2) registrovano za ugostiteljsko turističke djelatnosti. U praktičnom pogledu predloženim spomen obilježje „Vilin točak“ oficijelno ulazi u „knjige“ i doprinosi upotpunjavanju turističke ponude, s jedne strane i dovrašava urbanizaciju oko 100 m<sup>2</sup> prostora općine, s druge strane. Konkretna mikrolokacija se nalazi na koti oko 150 m. n.v. na kranjem donjem dijelu parcele 2811/1 brežuljkasto šumovite površine geografskog naziva Sipić Brdo (oko 250 m.n.v.). Prema preliminarnom organoleptičkom pogledu radi se o malom dijelu, cca 100-njak m<sup>2</sup> što će se utvrditi konkretnim predmjerom na licu mjesta obzirom na dodirne parcele.

## Okvirni projektni zadatak

Na predhodno opisanoj mikrolokaciji (donji dio parcele 2811/1) postojeći izvor-vrelo vode „Vilin točak“ sa pripadajućom pristupnom površinom projektovati i urediti shodno važećim „direktivama-smjernicama da obuhvati: Postojeće vrelo koje se nalazi na padinsko šumovitom dijelu u dužini cca 6m bez opsežnijih zahvata, praktično postojeće stanje, očistiti, predvidjeti prirodnu filtraciju i vodu koja se u ljetnom periodu procjenjuje na oko 6 lit/sec. rosfraj cijevi promjera cca 10-tak cm debljine 2-3 mm dovesti do korita. Cijev i njen smještaj obložiti i zaštititi od lišća, grančica i drugih prirodnih stvari prikladnom zaštitom, npr. rosfraj polukružnim perforiranim plaštom sa stabilnim pričvršćenjima za podlogu i mogućnostima povremenog otvaranja radi pregleda i održavanja. Postojeće betonsko korito orijentacionih gabarita 60x120x50 cm nepoznatog datuma izvedbe zadržati sa dodacima: Piramidna betonska vertikalna ploča u obliku Gaussove krive. Širina podnožja ista kao dužina stijenke korita, visina u centru 2m, širina poluluka na vrhu 40 cm. Pri vrhu plohe predvidjeti mjesto za mramornu ploču dimenzija 24x12x2 cm na kojoj će biti natpis u dva reda SPAS NADE (prvi) i RESCUE HOPE (drugi red). Ispod ove pozicije na razmaku od 20 cm predvidjeti prostor za mramornu ploču veličine 60x40x2cm na kojoj će biti napisan latiničnim slovima prikladne veličine **„Na području Kuplensko-miholjske doline od 07.08.1995. do 01.08.1996. godine boravilo je 21.724 prognanika iz Zapadne Bosne. U znak zahvalnosti mještanima, vlastima Republike Hrvatske, međunarodnim čimbenicima i ostalima podižemo ovo Spomen obilježje 07.08.2018. godine“**.

Prilikom izrade šalunga predvidjeti ureze 1x1 cm za smještaj grafikona prema nacrtu koji odražava dobnu strukturu prognanika. Predvidjeti odvod vode iz korita i okolnom drenažom odvod oborinskih voda i eventualnog viška u odnosu na kapacitet protoka dovodne oko 10 cm x 6m duge cijevi, podzemnim vodom u postojeći potocić u neposrednoj blizini sa južozapadne strane. Uređenje pristupnog prostora oko 60 m<sup>2</sup> uskladiti sa visinskom kotom i predviđenim uređenjem komunikacijskog dijelova pristupa sa magistralnog puta i odvojka prema susjednom objektu na lokaciji 2811/2.

Na uređeni prostor predvidjeti dva-tri betonsko mobilna stola sa prikladnim klupama. Predvidjeti parking mjesta shodno raspoloživom prostoru i urbanističkim uređenjem susjedne 2811/2 parcele.

PS: Svi su pozvani da pošalju eventualne dopune-primjedbe. Zamoljeni su da bez odlaganja pristupe: Sead Purić i Esad Šabanagić, da po istoj proceduri predlože Program promocije projekta. Asim Bašagić-Zenga treba da provjeri forme i procedure dokumenata navedenih u Odgovoru na Pismo... te predloži naredne korake. Ramiz Rizvić da pribavi „situacioni plan“ (katastarsku česticu). (Ovo je obavljeno). Osman Čaušević da preuzme tehničke poslove i finalizaciju Idejnog projekta te shodno dogovoru čim prije pripremi stavke pod red br. 4 i 5. Za eventualno dodatna pitanja reagovati čim prije!

Velika Kladuša, 15.03.2018. godine